

Enformaziuns y Comunicaziuns

Festa de Sant Ojöp Freinademetz: En gaujiun dla festa, cösta domëgna ai 29 de jená, vëgnel tigní ales 16:00 na mëssa solëna tla dljia da Oies, co gnará abelida da en cuartët dal Cor de Dljia da San Martin. Ales 18:00 é inche na mëssa tla dljia de ploania da Bornech (Pfarrkirche), por i cristiagn dla Cina. Ara vën abelida dal Cor "Col dla Vedla" da Rina.

De dla Vita: En domëgna ai 5 de forá pla gran mëssa gnarál festejé le De dla Vita. La Uniun dles Ères dëida recordé ai geniturs dai mituns bacês dal 2016 - duc chi co á cialé l'envit dla Uniun dles Ères - da ti porté na fotografia, al plü tert cina ai 3 de forá, a Edith Ferdigg Frenademetz, str. Plan de Coronas 42. Iolan

Prejentaziun dal Signur: En jöbia ai 2 de forá é la festa dla Prejentaziun de Gejú tal tëmpl. En chël de sarál mëssa ales 18:00, con benedisciun dles ciandëres. La oferta i vá ala Uniun dles Ères. Cösc de gnarál inche dé la benedisciun de San Blaje.

Sorvisc ai Jogn: Le Sorvisc ai Jogn Val Badia chir jones y jogn co á ligrëza da laoré con mitans y mituns, desco animadus pal ISTÉ DEBORIADA 2017 (an mëss avëi complí 18 agn). Por enformaziuns präibel cherdé sö le 0474/523070 (lön-jöb dales 8:00 ales 12:00 y dales 13:00 ales 17:00) o scrí a manuela@jogn.org. Termo por dé jö les domandes é i 28 de forá 2017.

Referat: Le Consëi de Formaziun dal Comun de Badia enviëia dër bel al referat "lu baii, mo èl ne m'ascuta nial - La comunicaziun danter geniturs y mituns". Le referat vën tigní en dedolönesc ai 31 de jená ales 20:00, te scora mesana d'La Ila. Referënta é Giuditta Sereni dal Forum Prevenziun.



La Fede tai Libri da "Evangelii Gaudium", enziclica de Papa Francësch

Die Freude des Evangeliums erfüllt das Herz und das gesamte Leben derer, die Jesus begegnen. Diejenigen, die sich von ihm retten lassen, sind befreit von der Sünde, von der Traurigkeit, der inneren Leere und der Vereinsamung. Mit Jesus Christus kommt immer - und immer wieder - die Freude. (...) Die große Gefahr der Welt von heute mit ihrem vielfältigen und erdrückenden Konsumangebot, ist eine individualistische Traurigkeit, die aus einem bequemen, begehrlchen Herzen hervorgeht, aus der krankhaften Suche nach oberflächlichen Vergnügungen.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann A 29.01.2017 - 4. dal Ann Liturgich - Sant Ojöp Freinademetz nr. 10

Osc paiamont tal cí sará gran!

Dal Vagnele do San Matio, 5, 1-12a

Te chël tomp, ¹canche Gejú odea le gröm de jont, é jü sön na munt. Al s'á sonté jö, y sü discepiu ti é jüs pormez. ²Spo ál motü man da baié y i istruia. ³Al á dit: Beac, chi co é püri dan da Idio; deache de d'èi é le rëgn dal cí. ⁴Beac, chi co plüra; deache ai gnará consolês. ⁵Beac, chi co é saorisc; deache ai ierpará la tera. ⁶Beac, chi co á fan y sëi do iustizia; deache ai gnará pasciontês. ⁷Beac, i misericordiusc; deache ai cialfará misericordia. ⁸Beac, chi co á en cör nët; deache ai odará Idio. ⁹Beac, chi co fej pêsc; deach'an ti dijará fis de Dio. ¹⁰Beac, chi co vën porseghitês por gauja dla iustizia; deache de d'èi é le rëgn dal cí. ¹¹Beac sëise os, sc'i gnëis deonorês y porseghitês y scraiês fora a vigne manira por mia gauja. ¹²Ralegresse y iubiled: Osc paiamont tal cí sará gran. **Parora dal Signur. - Lalt a te, Gejú Crist!**

Döt sotissora

Ester é pordërt na morvëia. Tal vagnele da encö é Gejú co detlarëia "beac" rodunt chë jont, pa chi che trec n'oress nia ester: chi co é püri, co patësc, chi co chir la iustizia, i porseghitês, i deonorês, chi co vën scraiês fora a vigne moda y manira por gauja de so ennom. Gejú mët zacó sotissora i valurs, deache plü bel y é sambën da ester pa chi co á suzes, co pó s'la dé bona, co é bënodüs, co vën alzês sö y laldês de vigne vers. Mo Gejú valutëia con i edli de Chël Bel Dio y al ti dá na gran consolaziun a chi co l'á ria y sfadiosa tla vita, y co se dá da fá por le bun y por l'ater: "Ralegresse y iubiled: Osc paiamont tal cí sará gran."

San Blaje

En jöbia ai 2 de forá pla mëssa dles 18:00, gnarál inche dé la benedisciun de San Blaje, cuntra le me tal col y vigne ater mal.

San Blaje é nasciü a Sebaste/Sivas tla Turchia. Al ea dotur y é gnü spo vësc de söa ciüté. Al ea frëm tla fede y é mort da martire bonamonter l'ann 316 do Crist. Söa benedisciun vá zoruch al fat che al dess avëi salvé te porjun en möt co manaciá da sofíé.



Domègna: 29.01.2017: IV. Dom. tal ann: S.Ojöp da Oies



8.30: S.M. a La Pli

9.00: Proa dal cor de dlijia

10.00: S.M. pro popolo por la Ploania
S.M. en onù de S.Ojöp da Oies - funziun

18.00: S.M. por +nt Josef Kosta
S.M. por +nc' Jep y Lodovica Obwegs, de Pipa
S.M. por +nta Comploi Tille de Mano
S.M. por +nc' Erlacher Josef, Angela y Hubert

Lön. 30.01: Feria dla 4. edema dal ann: Sa. Martina, Sa. Adelgund

7.20: S.M. por +nt Lejio Complojer da Runcac'
S.M. por les Püres Animes
S.M. por +nta Kastlunger Maria dal Medo

Dédol. 31.01: Memoria de S.Giovanni Bosco, S.Eusebius

7.30: S.M. a La Pli

19.30: Corona por les Families

Dédem.01.02: Feria dla 4. edema dal ann: Sa. Brigida, S. Severus

18.00: S.M. 1. aniv. por +nt Silvio Taibon, Lè dla Creda
S.M. aniv. por +nta Hanni Palfrader de Corjel
S.M. por +nt Figile Salesi dal Sauter

Jöbia 02.02: Festa dla Prejentaziun de Gejù tal temp: S. Alfred

18.00: S.M. en onù de Santa Maria (S.Maria dai poc')
Benedisciun dles cianderes – Benedisciun de S.Blaje
S.M. aniv. por +nt Davide Schanung Hot. Teresa
S.M. por Families
S.M. por les Families, Villa Fanes



8.30: S.M. a La Pli

Vèndr.03.02: Feria dla 4. edema dal ann: S.Blaje, S.Oskar

7.10: S.M. por i scolari
S.M. por +nta Pallhuber – Rubatscher Hermine
S.M. por +nt Figile Erlacher da Torpei
S.M. por +nt Isidor Castlunger da Grones

13.00: Al vègn portè la S.Comeniun ai Püri

15.00: Ora de oraziun

Sab.04.02: Santa Maria in sabato: S.Rabanus Maurus, Sa. Veronica

17.00: Poscibilità da se pissié

18.00: S.M. por Fam. Kehrer, Framacia
S.M. por +nc' Franz y Carolina Clara
S.M. por +nc' Erlacher, Ciapolère

19.30 S.M. a La Pli

Domègna 05.02.2017: V. Dom. dal ann: Sa. Agata, S. Ingenuin, S. Albuin


Oferta por i bojügn dla Ploania

8.30: S.M. a La Pli

9.30: Corona por la Ploania

10.00: S.M. pro popolo por dōta la Ploania
S.M. por i +nc' Veschi Mons. Wilhelm Egger y
Mons. Karl Golser

18.00: S.M. por +ntes Germana y Fefa Lanz
S.M. por +nc' Rico y Purgele Obojes
S.M. por +nta Lena Hainz Flatscher



SANT OJÖP da OIES

Ci nes dijéss pa Sant Ojöp da Oies aldedaincō?

Dessogü nes dijéssel, che la fede é profesciun. Lapró aldel ince le compit:
Daidé porsones, co chir do la fede.

Dessogü nes dijéssel, ch'i sun cherdés al'oraziun; che al n'é nia Chël Bel Dio
co adora nosta oraziun, mo che nosta vita á debojügn de oraziun. I ne sarun
nia bogn de cambié visibilmonter le monn, mo la forza dal perié - sōa forza -
po acompagné la jont da cambié le monn tal spirit dal Vagnele, cina che al
se realisèia tal Signur.


Dessogü nes dijéss Sant Ojöp Freinademetz, che i sun portés ala Santa
Eucarestia; la zelebraziun dal'Eucarestia stá tal zènter dla vita cristiana.
Dessogü nes dijéssel, che i sun cherdés ala comunité: che i nes convertiun
al amur y diventun te cōsta manira en punt nanter les porsones y les
cultures.

Dessogü nes dijéss pater Freinademetz, che i sun destinés a ester na
benedisciun por i atri.

Le Vësko Wilhelm Egger á dit te sōa pordica sōn Badia ai 23 de ma dal
2004:

"Nos diventun na benedisciun por i atri, sc'i baiun de Gejù Crist y portun
ennant Sōa noela ...

Nos diventun benedisciun, sc'i viun do l'ejompl de Gejù y fajun le bëgn ...
La vita de chël co se lascia benedí da Gejù, gnará trasformada."



Porträt von John Ewington 1981

Le lingaz dal amur
é le su lingaz
che dōta la jont capësc.

S. Ojöp da Oies

Sorvisc dai Ministrón

Lönesc 30/01 (07:20h), Dédemesaledema 01/02 (18:00h), Vèndres 03/02 (07:10h): Giada y
Ginevra Regis;

Jöbia 02/02 Presentaziun dal Signur (18:00h): Chantal Feichter, Lucy
Call, Luianta y Moltina Clara, Philipp y Sebastian Mutschlechner;

Sabeda 04/02 (18:00h): Mattia Leggio, Jan Paul Promberger, Claudia y
Susan Kaneider, Philip Palfrader, Caroline Piazza;

Domègna 05/02 (10:00h): Elisa Frenademetz, Michael Leimegger, Lisa
Maneschg, Serena Alessandri, Stefan y Thomas Palfrader;

Domègna 05/02 (18:00h): Sofia Castlunger, Emma Daverda, Paul y
Gabriel Trebo, Sofia Willeit, Jan Ties;

